

不運在臂手重手之間勢在肌肉運後力甚難必  
 急俯臂以四肢不收無氣以動實為難致  
 肝熱者運之肌肉之下至骨之上乃肝之氣  
 即問之善其脈微四肢滿悶便難轉動多怒多  
 四肢筋脈筋脈不能起于膝宜瀉青丸柴胡飲  
 奇熱者經手重手俱不熱如重手按至骨分其  
 志十如大其人牙齦如重餽其骨困熱不任  
 野相唱春則陽益也翁習效此地黃丸  
 野谷野野寒唱春大則益也返自熱日餘  
 蘇益辛各當飲六器中來責之難改請發海

活法機要目錄

泄瀉門

- |       |       |
|-------|-------|
| 黃芩芍藥湯 | 大黃湯   |
| 芍藥湯   | 白朮黃耆湯 |
| 防風芍藥湯 | 白朮芍藥湯 |
| 蒼朮芍藥湯 | 訶子散   |
| 漿水散   | 黃連湯   |
| 芍藥黃連湯 | 導氣湯   |
| 加減平胃散 | 地榆芍藥湯 |

厲風證

古法機要

目錄



樺皮散

二聖散

破傷風證

羌活防風湯

白朮防風湯

芎黃湯

大芎黃湯

羌活湯

防風湯

蜈蚣散

左龍湯

羌活湯

養血當歸地黃湯

頭風證

消風散

泄青丸

雷頭風證

升麻湯

胎產證

黃龍湯

二黃散

半夏湯

增損柴胡湯

秦艽湯

荆芥散

防風湯

三分散

血風湯

血運血結四物湯

沒藥散

加減四物湯

四物湯

紅花散 崩

當歸散 惡物不下

生地黃散 吐血



麥門冬飲子血

頭風證

苦練丸

衛生湯

大頭風證

黃芩黃連甘草湯

黑白散

瘧證

桂枝羌活湯

麻黃羌活湯

麻黃桂枝湯

桂枝黃芩湯

熱證

地黃丸

防風當歸飲子

金花丸

涼膈散

當歸承氣湯

牛黃膏熱入血

白虎湯

眼證

散熱飲子

地黃湯

四物龍膽湯

點眼藥

洗眼藥

疳藥

消渴證

黃連膏

八味丸

腫脹證



水腫方

瘡瘍證

內疎黃連湯

內托復煎散

當歸黃耆湯

內消升麻湯

復元通氣散

五香湯

赤芍藥散

桃紅散

冰霜散

乳香散

五黃散

花藥石散

截疔散

生肌散

平肌散

碧霞挺子

用藥加減例

迴瘡金銀花散

雄黃散

瘰癧證

桑椹膏

連翹湯

瞿麥飲子

咳嗽證

利膈丸

欵氣丸

虛損證

四君子湯

和血八物湯

十全散

牛膝丸



活法機要  
黑地黃丸

八味丸

地黃丸

吐證

桔梗湯

木香散

厚朴丸

心痛證

金鈴子散

煮黃丸

厚朴丸

藁本湯

木附湯

痢證

酒煮當歸丸

苦練丸

活法機要目錄終

活法機要

新安吳中珩楚白校正

泄痢證

臟腑泄痢其證多種大抵從風濕熱也是知寒少熱多故曰暴泄非陰久泄非陽溲而便膿血知氣行而血止也宜大黃湯下之是爲重劑黃芩芍藥是爲輕劑治法宜補宜泄宜止宜和和則芍藥湯止則訶子湯有暴下無聲身冷自汗小便清利大便不禁氣難喘息脈微嘔吐急以重藥溫之漿水散是也後重則宜下腹痛則宜和身重者除濕脈弦

活法機要



者去風膿血稠粘以重藥竭之身冷自汗以毒藥  
溫之風邪內縮宜汗之驚澹為痢當溫之在表者  
發之在裏者下之在上者湧之在下者竭之身表  
熱者內疎之小便澁者分利之盛者和之去者送  
之過者止之除濕則白朮茯苓安脾則芍藥桂枝  
血則黃連當歸宣通其氣則檳榔木香如泄痢而  
嘔上焦則生薑橘皮中焦則芍藥當歸桂枝苓下  
焦則治以輕熱甚以重熱藥若四肢懶倦小便少  
或不利大便走沉困飲食減宜調胃去濕白朮茯  
苓芍藥三味水煎服如發熱惡寒腹不痛加黃芩

為主如未見膿而惡寒乃太陰欲傳少陰也加黃  
連為主桂枝佐之如腹痛甚者加當歸倍芍藥如  
見血加黃連為主桂當歸佐之如煩燥或先便白  
膿後血或發熱或惡寒非黃連不能止上部血也  
如惡寒脈沉或白腰痛或血臍下痛非黃芩不能  
止此中部血也如惡寒脈沉先血後便非地榆不  
能止下部血也唯脈浮大者不可下

黃芩芍藥湯

方在寶鑑  
泄痢條下

大黃湯治泄痢久不愈膿血稠粘裏急後重日夜無  
度久不愈者



大黃一兩

右剉細好酒二大盞同浸半日許煎至一盞半去大黃不用將酒分二服頓服之如未止再服以利為度復服芍藥湯和之痢止再服黃芩芍藥湯和之以徹其毒也

芍藥湯

方在寶鑑內痢疾條下

白朮黃耆湯服前藥痢疾雖除更宜此和之

白朮一兩

黃耆錢七

甘草三錢

一方無黃耆用

黃芩半兩

右咬咀均作三服水煎服清

防風芍藥湯治泄痢飧泄身熱脈弦腹痛而渴及腹痛微汗

防風

芍藥

黃芩各一兩

右咬咀每服半兩或一兩水煎

白朮芍藥湯治太陰脾經受濕水泄注下體重微滿困弱無力不欲飲食暴洩無數水穀不化宜此和之

白朮

芍藥

各一兩

甘草

半兩

右剉每服一兩水煎

蒼朮芍藥湯治痢疾痛甚者

古法幾更



蒼朮二兩

芍藥一兩

黃芩

肉桂各半兩

右剉每服一兩水煎

訶子散如腹痛漸已泄下微少宜止之

訶子皮一兩生熟各半

木香半兩

黃連

炙甘草各三錢

右為細末每服二錢以白朮芍藥湯調下如止之

不已宜歸而送之也 訶子散內加厚朴一兩錫

其邪氣也

漿水散治暴泄如水周身汗出身上盡冷脈微而弱

氣少不能語甚者加吐此謂急病

半夏二兩湯洗

附子炮

乾生薑

炙甘草

肉桂各半兩

良薑二錢半

右為細末每服三五錢漿水二盞煎至半和淳熱

服

黃連湯治大便後下血腹中不痛者謂之濕毒下血

黃連

當歸各半兩

炙甘草二錢半

右咬咀每服五錢水煎

芍藥黃連湯治大便後下血腹中痛者謂之熱毒下

血

芍藥

黃連

當歸各半兩

大黃一錢



淡味桂

五分

炙甘草

二錢

右咬咀每服五錢水煎如痛甚者調木香檳榔末一錢服之

導氣湯治下痢膿血裏急後重日夜無度

芍藥

兩一

當歸

兩半

大黃

兩半

黃連

錢一

黃芩

錢二

木香

錢半

檳榔

錢各一

右為末每服半兩水煎

加減平胃散

方在寶鑑內  
泄痢條下

地榆芍藥湯治泄痢膿血乃至脫肛

蒼朮

兩八

地榆

兩二

卷柏

兩三

芍藥

兩二

右咬咀每服一兩水煎病退止

五泄之病胃小腸大瘕三證皆以清涼飲子主之其泄自止厥陰證加甘草以緩之少陰證裏急後重故加大黃又有太陰陽明二證當進退大承氣湯主之太陰證不能食也當先補而後泄之乃進藥法也先煎厚朴半兩製水煎一二服後未已謂有宿食不消又加枳實二錢同煎一二服泄又未已如稍進食尚有熱毒又加大黃二錢推過泄止佳藥如泄未止為腸胃有久塵垢滑粘加芒硝半合宿垢去盡則愈也陽明證能食是也當先泄而後

去幾要

五



補謂退藥法也先用大承氣湯五錢水煎服如利過泄未止去芒硝後稍熱退減大黃一半再煎兩服如熱氣雖已其人必腹滿又減去大黃與枳實厚朴湯又煎三兩服如腹滿退泄亦自愈後服厚朴湯數服則已

### 癘風證

癘風者榮氣熱附其氣不清鼻柱壞而色敗皮膚癢潰風寒客於脈而不去故名癘風又曰脈風俗曰癘治法刺肌肉百日汗出百日凡二百日鬚眉生而止先樺皮散從少至多服五七日灸承漿穴七

壯灸瘡愈再灸再愈三灸之後服二聖散泄熱祛血之風邪戒房室三年病愈

樺皮散治肺臟風毒遍身瘡疥及癩疹瘙痒成瘡回

### 上風刺粉刺

樺皮

四兩燒灰

荆芥穗

二兩

杏仁

二兩

去皮尖用米一

一半已來

炙甘草

半兩

枳殼

四兩

去穢用炭火燒

右件除杏仁外餘藥爲末將杏仁另研與諸藥和勻磁合內放之每服三錢食後溫水調下

二聖散治大風癘疾將皂角刺一二斤燒灰研細煎大黃半兩調下二錢早服樺皮散中煎升麻湯下



瀉青丸晚服一聖散此數等之藥皆為緩疎泄血中之風熱也

七聖丸七宣丸皆治風壅邪熱潤利大腸中風風癰瀉風大便秘澁皆可服之

### 破傷風證

夫風者百病之始也清淨則腠理閉拒雖有大風苛毒弗能為害故破傷風者通於表裏分別陰陽同傷寒證治人知有發表不知有攻裏和解此汗下和三法也諸瘡不差榮衛虛肌肉不生瘡眼不合者風邪亦能外入於瘡為破傷風之候諸瘡上灸

及瘡着白痂瘡口閉塞氣難通泄故陽熱易為鬱結熱甚則生風也故表脈浮而無力太陽也在表宜汗脈長而有力陽明也在裏宜下脈浮而弦小者少陽也半在表半在裏宜和解若明此三法而治不中病者未之有也

羌活防風湯治破傷風邪初傳在表

羌活

防風

川芎

藁本

當歸

芍藥

甘草

地榆

細辛

各二兩

右咬咀每服五錢水煎量緊慢加減用之熱則加



大黃三兩大便秘則加大黃一兩緩緩令過熱甚  
更加黃芩二兩

白朮防風湯若服前藥過有自汗者

白朮

黃耆

各一兩 防風二兩

右咬咀每服五七錢水煎

破傷風藏府秘小便赤用熱藥自汗不休故知無  
寒也宜速下之先用芎黃湯三二服後用大芎黃

湯下之

芎黃湯

川芎

一兩

黃芩

六錢

甘草

二錢

右咬咀水煎

大芎黃湯

川芎

半兩

羌活

黃芩

大黃

各兩

右咬咀水煎

羌活湯治半在表半在裏

羌活

菊花

麻黃

川芎

白茯苓

防風

石膏

前胡

黃芩

蔓荊子

細辛

蒼草

枳殼

已上各一兩

薄荷

白芷

各半兩

右咬咀生薑同煎日三服

舌去幾要

八



防風湯治破傷風同傷寒表證未傳入裏宜急服此藥

防風 羌活 獨活 川芎各等分

右咬咀水煎服後宜調蜈蚣散大效

蜈蚣散

蜈蚣一對 魚鱉半兩 左盤龍半兩 燭盡用

右為細末用防風湯調下如前藥解表不已覺直轉入裏當服左龍丸服之漸漸看大便硬軟加巴荳霜

左龍丸治直視在裏者

左盤龍五錢 白殭蚕炒 魚鱉各半兩

雄黃一錢

右同為細末燒餅為丸桐子大每服十五丸溫酒下如裏證不已當於左龍丸內一半末加入巴荳霜半錢燒餅為丸桐子大同左龍丸一處每服加一丸漸加服至利為度若利後更服後藥若搐瘥不已亦宜服後藥羌活湯也

羌活湯

羌活 獨活 地榆 防風各一兩

右咬咀水煎如有熱加黃芩有涎加半夏若病日



久氣血漸虛邪氣入胃全氣養血為度

養血當歸地黃湯

當歸 地黃 芍藥 川芎

藁本 防風 白芷 各一兩 細辛 半兩

右為麤末水煎服

頭風證

肝經風盛木自搖動梳頭有雪皮乃肺之證也謂肺  
主皮毛實則泄青丸主之虛則消風散主之

雷頭風證

夫雷頭風者震卦主之諸藥不效為與證不相對也

升麻湯 蒼木 各一兩 荷葉 全一箇

右為細末每服半兩水煎或燒荷葉一箇研細用

前藥調服亦可

胎產證

婦人童幼至天癸未行之間皆屬少陰天癸既行皆  
從厥陰論之天癸已絕乃屬太陰經也治胎產之  
病從厥陰經無犯胃氣及上二焦謂之三禁不可  
汗不可下不可利小便發汗者同傷寒下早之證  
利大便則脈數而已動於脾利小便則內亡津液  
胃中枯燥製藥之法能不犯三禁則榮衛自和而



寒熱止矣如發渴則白虎氣弱則黃耆血刺痛而和以當歸腹中疼而加之芍藥大抵產病天行從增損柴胡雜證從增損四物宜詳察脈證而用之產前寒熱小柴胡湯中去半夏謂之黃龍湯一二黃散治婦人有孕胎漏

生地黃 熟地黃 各等分

右為細末煎白朮枳殼湯調下

半夏湯治胎衣不下或子死腹中或子衝上而昏悶或血暴下及胎乾不能產者

半夏麴 一兩 肉桂 七錢 桃仁 三十箇 炒去皮

大黃 半兩

右為細末先服四物湯三兩服次服半夏湯生薑

同煎

增損柴胡湯治產後經水適斷感於異證手足捧搗

咬牙昏冒繫屬上焦

柴胡 八錢 黃芩 四錢 人參 三錢 甘草 炒

石膏 各四錢 知母 二錢 黃耆 半兩 半夏 二錢

右為麴末每服半兩生薑棗同煎

秦芫湯前證已去次服此以去其風邪

秦芫 八錢 芍藥 半兩 柴胡 八錢 防風

舌去幾夏

十一



黃芩各四錢半 人參 半夏各三錢 炙甘草四錢

右為麤末水煎

荆芥散二三日後經水復行前證俱退宜此

小柴胡湯一料加荆芥穗五錢枳殼麩炒去穢半兩

右為麤末同小柴胡煎法

防風湯三二日後宜正脾胃之氣兼除風邪

蒼朮四兩 防風三兩 當歸兩 羌活一兩半

右為麤末水煎

三分散治產後日久虛勞鍼灸小藥俱不效者

川芎 熟地黃 當歸 芍藥

白朮 茯苓七兩 黃耆七兩

柴胡 人參各一兩六錢 黃芩

半夏 甘草各六錢

右為麤末水煎服清

血風湯治產諸風痠攣無力

秦艽 羌活 防風 白芷

川芎 芍藥 當歸 地黃

白朮 茯苓各等分 加半夏 黃耆

右為細末一半為丸煉蜜如桐子大一半為散溫

酒調下丸藥五七十九

舌去幾厚



治血運血結或聚於胃中或偏於少腹或運於脇肋  
四物湯四兩倍當歸川芎鬼箭紅花玄胡各一兩  
同為麤末如四物煎服清調  
沒藥散服之

蚩虫 去羽足一錢 錢微炒

水蛭 二錢 炒 麝香 少許

沒藥 錢一

右為細末煎前藥調服血下痛止只服前藥

加減四物湯治產後頭痛血虛氣弱痰癖寒厥皆令  
頭痛

羌活

川芎

防風

香附子 炒

細辛 半兩

炙甘草

當歸 各半兩

石膏 二兩

蒼朮 一兩六錢 去皮

熟地黃 兩

香白芷 半兩

蒼朮 一兩六錢 去皮

右為麤末每服一兩水煎 如有汗者是氣弱頭

痛也前方中加芍藥三兩桂一兩半生薑煎 如

頭痛痰癖者加半夏三兩茯苓一兩半生薑煎

如熱厥頭痛加白芷三兩石膏三兩知母一兩半

如寒厥頭痛加天麻三兩附子一兩半生薑煎

四物湯治諸變證 方已載元戎方中

紅花散治婦人產後血昏血崩月事不調遠年乾血

氣皆治之



乾荷葉 牡丹皮 當歸 紅花

蒲黃 炒各等分

右為細末每服半兩酒煎和滓溫服 如胎衣不下別末榆白皮煎湯調下半兩立效

當歸散治婦人惡物不下

當歸 芫花 炒

右為細末酒調三錢 又一方好墨醋淬末之小便酒調下

治胎衣不下蛇退皮炒焦細末酒調下如胎衣在腹另碾榆白皮末同煎服立下

生地黄散諸見血無寒衄血下血吐血溺血皆屬於熱

生地黄 熟地黄 枸杞子 地骨皮  
天門冬 黃耆 芍藥 甘草

黃芩 已上各等分

右為麤末每服一兩水煎脈微身涼惡風每一兩加桂半錢

麥門冬飲子治衄血不止

麥門冬 生地黄 各等分

右剉每服一兩水煎 又衄血先朱砂蛤粉 次



木香黃連 大便結下之大黃芒硝甘草生地黃  
溏軟梔子黃芩黃連可選而用之

帶下證

赤者熱入小腸白者熱入大腸其本濕熱寃結于脈  
不散故為赤白帶下也寃屈也結也屈滯而病熱  
不散先以十棗湯下之後服苦練丸大玄胡散調  
下之熱去濕除病自愈也 月事不來先服降心  
火之劑後服局方中五補丸後以衛生湯治脾養  
血氣可也

苦練丸治赤白帶下

苦練

碎酒浸

茴香

炒

當歸

各等分

右為細末酒糊丸如桐子大每服五十九空心酒

下

衛生湯

白芍藥

當歸

各二兩

黃耆

三兩

甘草

一兩

右為麤末水煎空心服 如虛者加人參一兩

大頭風證

夫大頭風證者是陽明邪熱太甚資實少陽相火而  
為之也多在少陽或在陽明或在太陽視其腫勢  
在何部分隨經取之濕熱為腫木盛為痛此邪見

舌去幾夏

十五



於頭多在前耳後先出治之大不宜藥速速則過其病所謂上熱未除中寒復生必傷人命此病是自外而之內者是血病况頭部分受邪見於無形迹之部當先緩而後急先緩者謂邪氣在上着無形之部分既着無形無所不至若用重劑速下過其不難已雖無緩藥若急服之或食前或頓服皆失緩體則藥不能得除病當徐徐浸漬無形之邪也或藥性味形體據象皆要不離緩體是也且後急者謂緩劑已瀉邪氣入於中是到陰部染於有形質之所若不速去則損陰也此終治却為客邪

當急去之是治客以急也 且治主當緩者謂陽邪在上陰邪在下若急治之不能解紛而益亂也 治客以急者謂陽分受陰邪陰分受陽邪此客氣急除去之也

假令少陽陽明為病少陽為邪出於耳前後也陽明為邪者首大腫也先以黃芩黃連甘草湯通炒過剉煎少少不住服或劑畢再用煨黍粘子新瓦上炒香同大黃煎成去滓內芒硝俱各等分亦時時呷之無令飲食在前得微利及邪氣已只服前藥如不已再同前次第服之取大便利邪氣則止



如陽明渴者加石膏 如少陽渴者加瓜蒌根  
陽明行經升麻芍藥葛根甘草 太陽行經羌活  
防風之類

黑白散治大頭風如神 方在後  
家珍本

消毒丸 在寶鑑  
大附

瘧證

夏傷於暑秋必病瘧蓋傷之淺者近而暑傷之重者  
遠而疾瘧瘧者久瘧也是知夏傷於暑濕熱閉藏  
而不能發泄于外邪氣內行至秋而發為瘧也何  
經受之隨其動而取之有中三陽者有中三陰者

經中邪氣其證各殊同傷寒治之也五藏皆有瘧  
其治各異在太陽經謂之風瘧治多汗之在陽明  
經謂之熱瘧治多下之在少陽經謂之風熱瘧治  
多和之在陰經則不分三經總謂之濕瘧當從太  
陰經論之

桂枝羌活湯治瘧疾處暑前發頭痛項強脈浮惡寒  
有汗

桂枝 羌活 防風 甘草 各半

右為麤末水煎 如吐者加半夏麴等分

麻黃羌活湯治瘧病頭痛項強脈浮惡風無汗者



麻黃去節 羌活 防風 甘草各半兩

右為麤末水煎 如吐者加半夏麴等分

麻黃桂枝湯治發瘧如前證而夜發者

麻黃一兩 炙甘草二錢 黃芩兩半 桂枝二錢

桃仁三十箇  
去皮尖

右為末水煎桃仁散血緩肝夜發乃陰經有邪此

湯散血中風寒也

桂枝黃芩湯治瘧服藥寒熱轉甚者知太陽陽明少

陽二陽合病也宜此和之

甘草 黃芩 人參各四錢半 半夏四錢

柴胡一兩 石膏 知母各半兩 桂枝二錢

右為麤末水煎 從卯至午時發者宜大柴胡湯

下之 從午至酉發者知其邪氣在內也宜大承

氣湯下之 從酉至子時發者或至寅時者知其

邪氣在血也宜桃仁承氣湯下之微利後更以小

柴胡湯制其邪氣可也

熱證

有表而熱者謂之表熱無表而熱者謂之裏熱有暴

發而為熱者乃久不宣通而致也有服溫藥而為

熱者有惡寒戰慄而熱者蓋諸熱之屬心火之象



也治法小熱之氣涼以和之大熱之氣寒以取之甚熱之氣則汗發之發之不盡則逆制之制之不盡求其屬以衰之苦者以治五藏五藏屬陰而居於內辛者以治六府六府屬陽而在於外故內者下之外者發之又宜養血益陰其熱自愈

地黃丸

方在前發明內科

如煩渴發熱虛煩蒸病空心服地黃丸食後服防風當歸飲子

柴胡

人參

黃芩

甘草

各一

滑石

三兩

八黃

當歸

芍藥

防風

各半兩

右為麤末生薑同煎如痰實欬嗽加半夏

金花丸治大便黃米穀完出驚悸溺血淋閉欬血衄血自汗頭痛積熱肺痿

黃連

黃蘗

黃芩

山梔子仁

各一兩

右為細末滴水為丸桐子大溫水下如大便結

實加大黃自利不用大黃如中外有熱者作散

剉服名解毒湯如腹滿嘔吐欲作利者解毒湯

內加半夏茯苓厚朴各三錢生薑同煎如白膿

下痢後重者加大黃三錢

活法幾要

十九



涼膈散

方在難知內附

加減于後

若咽嗑不利腫痛并涎嗽者加桔梗一兩荆芥穗半兩 若欬而嘔者加半夏半兩生薑煎 若鼻衄嘔血者加當歸芍藥生地黃各半兩 若淋瀝者加滑石四兩茯苓一兩 當歸承氣湯治熱攻於上不利於下陽狂奔走罵詈不避親疎

大黃

當歸

各一兩

甘草

半兩

芒硝

九錢

右咬咀生薑棗同煎

大黃膏治熱入血室發狂不認人者

牛黃

二錢

朱砂

鬱金

牡丹皮

各三錢

腦子

甘草

各一錢

右為細末煉蜜為丸如皂子大新水化下

治表熱惡寒而渴陽明證白虎湯也 若膚如火燎而熱以手取之不甚熱為肺熱也目睛赤煩燥或引飲獨黃芩一味主之 若兩脇下肌熱脈浮弦者柴胡飲子主之 若脇肋熱或一身盡熱者或日晡肌熱者皆為血熱也四順飲子主之 若夜發熱主行陰乃血熱也四順飲子桃仁承氣選而用 若晝則明了夜則譫語四順飲子證 若



發熱雖無脇熱亦為柴胡證 晝則行陽二十五  
度氣藥也大抵宜柴胡飲子 夜則行陰二十五  
度血藥也大抵宜四順飲子

眼證

眼之為病在府則為表當除風散熱在藏則為裏宜  
養血安神暴發者為表而易治久病者在裏而難  
愈除風散熱者瀉青丸主之養血安神者定志丸  
婦人則熟乾地黄丸主之

治眼暴赤暴腫散熱飲子

防風

羌活

黃芩

黃連

各一兩

右咬咀水煎食後溫服 如大便秘澁加大黃一

兩 如痛甚者加當歸地黃各一兩 如煩燥不

得眠睡加梔子一兩

地黃湯治眼久病昏澁因發而久不愈者

防風

羌活

黃芩

黃連

地黃

當歸

人參

茯苓

各等分

右為麈尾水煎

四物龍膽湯治目暴發

方在元戎四物湯條下附

點眼藥則有瑯光膏

方在後冊雜方內附

洗眼藥則有夜光膏

方在寶鑑內附

啗藥

在後冊雜方內附



消渴證

消渴之疾三焦受病也有上消有消中有消腎上消者肺也多飲水而少食大便如常小便清利知其燥在上焦也治宜流濕以潤其燥  
 消中者胃也渴而飲食多小便赤黃熱能消穀知其熱在中焦也宜下之  
 消腎者初發為膏淋謂淋下如膏油之狀至病成而面色黧黑形瘦而耳焦小便濁而有脂液治法宜養血以肅清分其清濁而自愈也

黃連膏

黃連末一觔生地黃自然汁白蓮花藕汁牛乳汁各一觔

右將汁熬成膏子劑黃連末為丸桐子大每服三十丸少啣溫水送下日進十服渴病立止

八味丸治消腎

方在發明內附

腫脹證

五臟六腑皆有脹經云平治權衡去菀陳剳開鬼門  
 滌淨府平治權衡者察脈之浮沉也去菀陳剳者疎滌腸胃也開鬼門者發汗也潔淨府者利小便也蠱脹之病治以雞屎醴酒調服水脹之病當開



鬼門決潔淨府也

治水腫蟻蛄去頭尾與葡萄心同研露七日曝乾為末淡酒調下暑月用佳

又方棗一斗鍋內入水上有四指脈大戟并根蒲蓋之遍盆合之煮熟為度去大戟不用旋旋喫無時盡棗決愈神效

瘡瘍證

瘡瘍者火之屬須分內外以治其本若其脈沉實當先疎其內以絕其源也其脈浮大當先托裏恐邪氣入內也有內外之中者邪氣至盛遏絕經絡故

發癰腫此因失托

及失疎通又失和榮衛也治

瘡之大要須明托

表疎通行榮衛之三法內之外

者其脈沉實發熱

煩燥外無焮赤痛深於內其邪

氣深矣故先疎通

臟腑以絕其源外之內者其脈

浮數焮腫在外形證外顯恐邪氣極而內行故先

托裏也內外之中者外無焮惡之氣內亦臟腑宣

通知其在經當和榮衛也用此三法之後雖未差

必無變證亦可使邪氣峻減而易痊愈

內疎黃連湯治嘔噎心逆發熱而煩脈沉而實腫硬

木悶而皮肉不變色根繫深大病遠在內臟腑秘



泄當急疎利之

黃連 山茱子 芍藥 當歸

檳榔 木香 薄荷 連翹

黃芩 桔梗 甘草已上各一兩

右為末水煎先喫一二服次後加大黃一錢再服加二錢以利為度如有熱證止服黃連湯大便秘澁則加大黃如覺無熱證煎後藥復煎散時時服之如無熱證及大便不秘澁止服復煎散稍有熱證却服黃連湯秘則加大黃如此內外皆通榮衛和調則經絡自不遏絕矣

內托復煎散治腫 於外根繫不深形證在表其脈

多浮痛在皮肉 和氣盛而必侵於內須急內托以救其裏也

地骨皮 黃白 防風各二兩 芍藥

黃芩 白小 茯苓 人參

甘草 當歸 防已已上各一兩

柳桂淡味加半兩

右咬咀先煎蒼朮一觔用水五升煎至三升去蒼朮滓入前藥十一味再煎至三四盞絞取清汁作三四服終日服之又煎蒼朮滓為湯去滓再依前



煎十二味藥滓服之此除濕散鬱熱使胃氣和平  
如或未已再作半料服之若大便秘及煩熱少服  
黃連湯如微利煩熱已退却服復煎散半料如此  
使榮衛俱行邪氣不能自侵也

當歸黃耆湯治瘡瘍臟腑已行如痛不可忍者

當歸 黃耆 地黃 川芎

地骨皮 芍藥各等分

右咬咀水煎 如發熱加黃芩 如煩躁不能睡  
臥者加梔子 如嘔則是濕氣侵胃倍加白朮

內消升麻湯右治血氣壯實若患癰疽大小便不通

升麻 大黃各二兩 黃芩一兩 枳實炒

當歸 芍藥各一兩半 炙甘草一兩

右咬咀水煎食前服

復元通氣散治諸氣澀耳聾腹癰便癰瘡疽無頭止

痛消腫

青皮 陳皮各四兩 甘草三兩生熟各半

川山甲炮 括萎根各二兩 加金銀花

連翹各一兩

右為細末熱酒調下

五香湯治毒氣入腹托裏若有異證於內加減



丁香 木香 沉香 乳香各一兩

麝香三錢

右為細末水煎空心服 嘔者去麝加藿香葉一

兩 渴者加人參一兩

赤芍藥散治一切疔瘡癰疽初覺增寒疼痛

金銀花 赤芍藥各半兩 大黃七錢半

瓜蒌大者一枚 當歸 甘草 枳實各三錢

右為麤末水酒各半煎

桃紅散歛瘡生肌定血辟風邪

滑石四兩 乳香 輕粉各二錢 小荳粉一錢

寒水石三兩 一方改小荳粉為定粉一兩

右為極細末乾貼

冰霜散治火燒皮爛大痛

寒水石生 牡蠣燒 朴硝 青黛各一兩

輕粉一錢

右為細末新水或油調塗立止

乳香散治杖瘡神效

乳香 沒藥各三錢 自然銅半兩 火燒醋醃十遍

茴香四錢 當歸半兩

右為細末每服半兩溫酒調下



五黃散治杖瘡定痛

黃丹

黃連

黃芩

黃蘗

大黃

乳香

巴上香

右為細末新水調成膏用緋絹帛上攤貼

花藥石散治一切金瘡猶狗咬傷婦人敗血惡血奔  
心血運胎死胎衣不下至死者以童便調下一錢  
取下惡物神效

硫黃

明淨者

花藥石

一

右二味拌勻用紙筋和膠泥固濟瓦甑子一箇入  
藥內密泥封口了焙乾安在四方磚上磚上書

用炭一秤圍燒自己午時從下生火直至經宿火

盡又經宿甑冷取研極細磁盒內盛用

截疳散治年深疳瘦瘡

黃連

半兩

白欵

白芨

黃丹

各一兩

輕粉

錢一

龍腦

麝香

各五分

另研

蜜佗僧

兩一

右為細末和勻乾糝或紙上以膏貼之

生肌散

寒水石

剉

滑石

各一兩

烏魚骨

龍骨

定粉

蜜佗僧

白礬灰

乾胭脂

各半兩

舌去幾要

三二



右為極細末乾摻用之  
平肌散治諸瘡久不斂

蜜佗僧

花藥石

二物同煨赤

白龍骨

各一兩

乳香

輕粉

各一錢

黃連

各二錢半

右為極細末和勻乾摻

聖震挺子治惡瘡透了不覺疼痛者

銅碌

礪砂

各一錢

蟾酥

一錢

右為細末燒飯和作麥糲挺子每用刺不覺痛者須刺血出方紐藥在內以膏貼之

用藥加減

如發背疔腫膿潰前後虛而頭痛於托裏藥內加五

味子 恍惚不寧加人參茯神 虛而發熱者加

地黃括蕁根 潮熱者加柴胡地骨皮 渴不止

者加知母赤小荳 虛煩者加枸杞天門冬 自

利者加厚朴 膿多者加當歸川芎 痛甚者加

芍藥乳香 肌肉遲生者加白斂官桂 有風邪

者加獨活防風 心驚悸者加丹砂 口目瞤動

者加羌活細辛 嘔逆者加丁香藿香葉 痰多

者加半夏陳皮

廻瘡金銀花散治瘡瘍痛甚則色變紫黑者

舌去錢銀



金銀花

連枝葉  
剉二兩

黃芪

四兩

甘草

一兩

右咬咀用酒一升同入壺瓶內閉口重湯內煮三兩時辰取出去滓頓服之

雄黃散治瘡有惡肉不能去者

雄黃

一錢  
研

巴豆

不去皮研一  
箇去皮五分

右二味再同研如泥入乳香沒藥各少許再研勻細少上惡肉自去矣

瘰癧證

夫瘰癧者結核是也或在耳後或在耳前或在耳下連及頤頷或在頸下連缺盆皆謂之瘰癧或在胃

及胃之側或在兩脇皆謂之馬刀手足少陽主之治結核前後耳有之或耳下頷下有之皆瘰癧也藥樞二蚪極熟黑色者以布裂取自然汁不犯銅鐵以文武火慢熬作薄膏子每日白沸湯點一匙食後日三服

連翹湯治馬刀

連翹

瞿麥花

各一  
斤

大黃

三兩

甘草

二兩

右咬咀水煎服後十餘日可於臨泣穴灸二七壯服五六十日方效在他經者又一方服大黃木通

舌去幾要

二九



五兩知一作貝母五兩雄黃七分檳榔半兩減甘草不用同前藥為細末熱水調下三五錢服之  
瞿麥飲子

連翹一斤 瞿麥穗半斤

右為麤末水煎臨臥服此藥經效多不能速驗宜待歲月之久除也

欬嗽證

欬謂無痰而有聲肺氣傷而不清也嗽謂無聲而有痰脾濕動而為痰也欬嗽是有痰而有聲蓋因傷於肺氣而欬動於脾濕因欬而為嗽也治欬嗽方

治痰為先治痰者下氣為上是以南星半夏勝其痰而能食者大承氣湯微下之痰而不能食者厚朴湯治之夏月嗽而發熱者謂之熱痰嗽小柴胡湯四兩加石膏一兩知母半兩用之冬月嗽而寒熱者謂之寒嗽小青龍加杏仁服之蜜煎生薑湯蜜煎橘皮湯燒生薑胡桃皆治無痰而嗽者此乃大例更當隨時隨證加減之

利膈丸方在寶鑑內附

欬氣丸治久嗽痰喘肺氣浮腫

郁李仁 青皮去白 陳皮去白 檳榔



木香

杏仁

去皮

馬兜苓

炒

人參

廣茂

當歸

澤瀉

茯苓

苦苧蘆

炒各二錢

防已

半兩

牽牛

取頭末一兩半

右為細末生薑汁麵糊為丸桐子大生薑湯下

治欬嗽諸方在家珍內并寶鑑內者更宜選而用之

虛損證

虛損之疾寒熱因虛而感也感寒則損陽陽虛則陰盛故損則自上而下治之宜以辛甘淡過於胃則不可治也感熱則損陰陰虛則陽盛故損則自下而上治之宜以苦酸鹹過於脾則不可治也自下

而損者一損損於肺故皮聚而毛落二損損於心故血脈虛弱不能榮於臟腑婦人則月水不通三損損於胃故飲食不為肌膚也自下而損者一損損於腎故骨痿不能起於牀二損損於肝故筋緩不能自收持三損損於脾故飲食不能消尅也故心肺損則色弊肝腎損則形痿脾胃損則穀不化也

治肺損皮聚而毛落宜益氣四君子湯

方在前難知內附

治心肺虛損皮聚而毛落血脈虛損婦人月水愆期

宜益氣和血八物湯

方在前元戎內附



治心肺損及胃損飲食不為肌膚宜益氣和血調飲  
食十全散 方在前元  
戒內附

治腎肝損骨痿不能起于牀宜益精筋緩不能自收  
持宜緩中

牛膝丸

牛膝 酒浸

萆薢

杜仲 剉炒

菴蓉 酒浸

鬼絲子

防風

葫蘆巴 炒

肉桂 減半

破故紙

沙苑白蒺藜

右等分爲細末酒煮猪腰子爲丸每服五七十九  
空心温酒下如腰痛不起者服之甚效

治陽盛陰虛肝腎不足房室虛損形瘦無力面多青  
黃而無常色宜榮血養腎

地黃丸

蒼朮

一斤 熟地黃

一斤 乾薑

春七錢  
秋七錢

夏半兩  
冬一兩

右爲細末蒸棗肉爲丸桐子大每服五七十九至  
百丸諸飲下若加五味子爲腎氣丸述類象形神  
品藥也 如陽盛陰虛心肺不足及男子婦人面  
無血色食少嗜臥肢體困倦宜八味丸 方在前元  
戒內附  
如形體瘦弱無力多困未知陰陽先損夏月宜地  
黃丸春秋宜腎氣丸冬月宜八味丸



治病久虛弱厭厭不能食和中丸

方在前脾胃論中

### 吐證

吐證有三氣積寒也皆從三焦論之上焦在胃口上通於天氣主內而不出中焦在中脘上通天氣下通地氣主腐熟水穀下焦在臍下通於地氣主出而不納是故上焦吐者皆從於氣氣者天之陽也其脈浮而洪其證食已暴吐渴欲飲水大便結燥氣上衝而胃發痛其治當降氣和中中焦吐者皆從於積有陰有陽食與氣相假為積而痛其脈浮而弦其證或先痛而後吐或先吐而後痛治法當

以小毒藥去其積檳榔木香和其氣下焦吐者皆從於寒地道也其脈沉而遲其證朝食暮吐暮食朝吐小便清利大便秘而不通治法當以毒藥通其秘寒溫其寒氣大便漸通復以中焦藥和之令大便秘結而自愈也

治上焦氣熱上衝食已暴吐脈浮而洪宜先和中  
桔梗湯

桔梗

白朮

各一兩半

半夏

二兩

陳皮

白

白茯苓

枳實

炒

厚朴

姜製炒香

右咬咀水煎取清調木香散二錢隔夜空腹服之



後氣漸下吐漸止然後去木香散加芍藥二兩黃耆一兩半每一料中叩算加之如大便燥結食不盡下以大承氣湯去硝微下之少利再服前藥補之如大便復結依前再微下之

木香散

木香 檳榔各等分

右為細末前藥調服

厚朴丸主翻胃吐逆飲食噎塞氣上衝心腹中諸疾其藥味即與萬病紫苑丸同方在元或方內附其加減于后 春夏再加黃連二兩 秋冬再加厚朴二兩

如治風於春秋所加黃連厚朴外更加菖蒲茯苓各一兩半 如治風癩不愈者依春秋加減外更加人參菖蒲茯苓各一兩半 如失精者加菖蒲白茯苓為輔 如肝之積加柴胡蜀椒為輔 如心之積加黃連人參為輔 如脾之積加吳茱萸乾薑為輔 如腎之積加菖蒲茯苓為輔 秋冬久瀉不止加黃連茯苓

心痛證

諸心痛者皆少陰厥陰氣上衝也有熱厥心痛者身熱足寒痛甚則煩燥而吐額自汗出知其熱也其



脈浮大而洪當灸大經及崑崙謂表裏俱瀉之是  
謂熱病汗不出引熱下行表汗通身而出者愈也  
灸畢服金鈴子散則愈痛止服枳朮丸去其餘邪  
也有大實心中痛者因氣而食卒然發痛大便或  
秘久而注悶心胃高起按之愈痛不能飲食急以  
煑黃丸利之利後以藁本湯去其邪也有寒厥心  
痛者手足逆而通身冷汗出便溺清利或大便利  
而不渴氣微力弱急以朮附湯溫之寒厥暴痛非  
久病也朝發暮死急當救之是知久病無寒暴病  
非熱也

金鈴子散治發厥心痛或發或止久不愈者

金鈴子 玄胡索

右為細末每服二三錢酒調下溫湯亦得

治大實心痛二藥

厚朴丸同紫苑丸

在元戎方內

煑黃丸

方在陰證器例內

治大實心痛大便已利宜藁本湯止其痛也

藁本 蒼朮

右為麤末水煎服清

治寒厥暴痛脈微氣弱宜朮附湯溫之

方在雲岐脈論內附

血證



男子七疝婦女癥聚帶下皆任脈所主陰經也腎肝  
受病治法同歸於一

酒煮當歸丸

當歸剉 附子炮 苦練子剉 茴香各一兩

右剉以酒三升同煮酒盡為度焙乾作細末入

丁香各一錢 木香各二錢 全蝎二十箇 玄胡索兩

右同為細末與前藥一處拌勻酒糊為丸每服三  
五十丸至百丸空心溫酒下凡疝氣帶下皆屬於  
風全蝎治風之聖藥茴香苦練皆入小腸故以附  
子佐之丁香木香則導為用也

治奔豚及小腹痛不可忍者苦練丸

苦練 茴香各一兩 黑附子一兩炮

石用酒二升煮酒盡為度曝乾或陰乾搗為極細  
末每一兩藥末入

全蝎十八箇 玄胡索兩 丁香十五箇

右共為細末酒糊為丸桐子大每服百丸空心酒  
下如痛甚煎當歸入酒下大效



男... 痲... 帶下... 仔... 脈所... 上... 陰... 經... 也... 腎... 肝

受病治法... 同... 補... 法

潮... 痛... 凡

不... 效... 奇... 效... 人... 配... 可... 大... 效... 神... 奇... 效...

... 共... 愈... 未... 愈... 則... 愈... 伏... 附... 于... 大... 我... 知... 百... 試... 空... 心... 配...

... 全... 愈... 人... 枝... 枯... 索... 下... 香... 十五... 玄... 明... 素...

... 未... 愈... 一... 酒... 藥... 未... 入... 藥... 一... 處... 半... 寸... 四... 兩... 為... 化... 每... 服... 三...

... 取... 出... 即... 宜... 引... 復... 風... 虛... 為... 製... 難... 辨... 如... 劍... 鋒... 豈... 為... 難... 辨...

... 苦... 難... 辨... 凡... 首... 香... 舖... 一... 黑... 桐... 子... 去... 文... 解... 苦... 難... 辨... 故... 以... 附...

... 欲... 辨... 又... 小... 難... 辨... 不... 可... 忍... 苦... 難... 辨... 其...

Red seal impression at the bottom left corner of the left page.



